

ԱՇՈՏ ՄԱՆՈՒՉԱՐՅԱՆ

ՓԱՐԱԿԻ ԾԻՐԱՆԱՎՈՐԻ ԱՐՁԱՆԱԳՐՈՒԹՅՈՒՆՆԵՐԸ

Փարպի հնամենի գյուղի միջնադարյան հնագիտական զարդերից մեկը Ծիրանավոր եկեղեցին է: Հայ ճարտարապետության երախտավոր Թ. Թորամանյանն այն կոչում է ամրոց - եկեղեցի¹: Ծիրանավորը հիմնադրվել է Ե. դարում և առանց լքվելու գործել մինչև ԺԵ.-ԺԷ. դդ.: Եկեղեցու՝ որձաքարի զանգվածներով կրկնակի պատերով զրահավորվելը և ամրոցի վերածվելը Թ. Թորամանյանը համարում է կատարված Ժ. դարում՝ ենթադրելով, որ Բյուրականի վրա արաբների հարձակումը և այդ շրջանում նրանց իրականացրած կոտորածները սփիլեկ են փարպեցիներին՝ աղոթաբերելու իբրև բերդ ամրացնել, որպես վերջին ապաստարան²: Մակայն նորահայտ վիմագրերը, որ երևացել են Ի. դ. երկրորդ կեսին, երբ հարավային պարիսպի թափվել են եկեղեցին զրահապարտող կոպրապաշ գորշավուն քարերը, վկայում են, որ աղոթարանն ամրոցի է վերածվել ավելի ուշ:

Ըստ Ս. Սաղումյանի՝ «Փարպիի 1191 թ. Ջաքարյանների արձանագրությունից ու փրկադրությունից ենթադրելի է, որ բազիլիկան կրկնապարվել է այդ պարվա մուրերքում, իսկ Աշտարակի Ծիրանավորի արտոնագիրը հուշում է, որ կրկնապարը դրել են Ջաքարյանները՝ սելջուկների դեմ պայքարի փարիներին՝ պաշտպանական նկատառումներով»³: Ս. Սաղումյանը միաժամանակ հերքում է կրկնապարերի շուրջ արտահայտված այն կարծիքները, թե դրանք իբր շարվել են եկեղեցու պատերն ամրացնելու նպատակով ԺԳ. դ. կամ ավելի վաղ և կամ ուշ միջնադարում՝ ԺԷ.-ԺԸ. դարերում⁴:

Ինչ վերաբերում է Աշտարակի Ծիրանավորի արտոնագրին, ապա նրա «*Ի ժամանակս Ջաքարեի և Իսանեի, որդոց Սարգսի, առին զԱշտարակս, յորում ամրացան...*»⁵ հաղթածից չի երևում, թե խոսքը վկայակոչվող եկեղեցու մասին է, այլ՝ ամբողջ քաղաքի ընդհանրապես:

Չի բացառվում, որ Արագածոտնի վաղ միջնադարյան երեք բազիլիկ եկեղեցիների (Փարպիի, Աշտարակի, Աշնակի) կրկնապարերը կանգնեցնողները սելջուկները լինեն՝ ընդդեմ Ջաքարյանների ազատագրական հաղթարշավի: Մեր

1 Տե՛ս Թ. Թորամանյան, Նյութեր հայկական ճարտարապետության պատմության, հ. 2, Երևան, 1948, էջ 227:

2 Տե՛ս անդ:

3 Ս. Սաղումյան, Աշտարակ, Երևան, 1998, էջ 107:

4 Տե՛ս անդ, էջ 107-108:

5 Անդ, էջ 143:

այս րեսակները հիմնավորող փաստարկ է Մարմաշենի 1220-ական թվականների վերջերի ընդարձակ արձանագրության մի վկայություն: Այսպես, Ս. Ասրվաձաձին եկեղեցու հյուսիսային պարի հիշարակագրում Շիրակի թեմակալ, Անիի եւ համայն Նայասարանի հոգևոր առաջնորդ Գրիգոր արքեպ. Ապիրապյան - Պահլավունին հայրնում է, որ Մարմաշենը «...ստեղծեալ էր յանաւրիկնաց եւ զվանքս զեղ արարեալ, զԿաթողիկէս թեղաւնման ամբաստուցեալ...»⁶:

Բացի այդ, անհնար է, որ Զաքարյան եղբայրները նախ հանդգնեին ձեռնիդեղել քրիստոնեական սրբարանը, երկրորդ, նրանք քաջ գիտակցել են արձանագրությունների կարեւորությունը գալիք սերունդների համար եւ Նայասարանի զանազան վայրերում բազմաթիվ հիշարակագրություններ են թողել իրենց փառահեղ հաղթանակների վերաբերյալ, ուստի, եթե իրենք կանգնեցրած լինեին կրկնապատերը, ապա ժամանակ կգտնեին նոր շարվածքի վրա արտագրել փայլուն նախնայաց՝ Բագրատունյաց շրջանի պարմական վկայագրերը:

Անկախ րեսակներից, մի բան ակնհայտ է. Ծիրանավորների կրկնապատերը դրվել են 1045-1191 թթ. միջև ընկած ժամանակահատվածում, ինչպես հուշում են վիմագրերը:

Փարպիի Ծիրանավոր եկեղեցուց մեր կողմից ընդօրինակվել է ութ արձանագրություն⁷, որից մինչ օրս հրապարակվել է միայն երկուսը (այն էլ առանց գրչագրերի ու լուսանկարների):

1. ԾԻՐԱՆԱՎՈՐ ԵԿԵՂԵՅԻ, արևմտյան պարիս, մուսքից վերև, 5 քաղ.



Ի ԹՈՒԻՍ :ՈՒ: (1191) ԵՍ ԶԱԶԱՐԻԱ ԱՄԻՐՍՊԱԱՍԱՐ ՆԱՅՅ ԵՒ ՎՐԱՅ/
ԱԳՆՈՒԹ ԵԱՍԵՆ ԵՒ ԲԻ ԱՌԻ ԶԱԾԽԱՐՏՍ Ի ՏԱԾԿԱՅ ԵՒ ԱԶԱՏ ԱՐԱՐԻ/
ՓԱՐՊՈՒ ԻՐԻՅԱՆԻՍ ՅԱՄԵՆԱՅՆ ՆԱՐԿԷ: ՈՎ ԽԱՓԱՆԷ ՅԺԸ (318)- ԻՅՆ
ՆՂԶՈՎԵ ԱՂԻ ԵՂԻՅԻ: Ի ԹՎԻՆ ԿՂԱՍԱՐԵՆ ՎԱՍՆ ՇՂԱՄԱՇԱՅ Ի ՈՐԴ/ Դ
ԶԱԶԱՐԻԱՂ Ի :Գ: (3) ԱԲԵ ԵՒ ՄՂԵԶՂ ԿՂԱՍԱՐԵՆՂ ԱՆԽԱՓԱՆ ՄԻՂՆԶ
Ի ԳԱՆՈՒՍՏ ԲԻ:Դ: (4) ԱԲԵ ՊԱՍԱՂԻՂ ԱԳ/ԼԻՆԻ ԶԱԶԱՂԱՐԱՆԻՂ⁸:

6 И. О. Орбели, Избранные труды, Ереван, 1963, р. 443: Նմմր.՝ Ն. Եղիազարյան, Մարմաշենի վանքը եւ նրա վիմագրությունները. «Էջմիածին», 1957, Ե., էջ 42-43:

7 Գրչագրերը՝ զեղանկարիչ Գևորգ Նամբարձումյանի:

8 Նայերը, հարկապես հյուսիսային Նայասարանում, հիշյալ ժամանակներից մի րեսական շրջան, հարեան

Նրապ. Մխիթար վարդապետ Տեր-Մկրտչեան, Իմ գործակալության ժամանակ հաաքած մի քանի արձանագրություններ. «Բանալ», Փարիզ, 1903, էջ 30, «Վիմական փարեգիր», ցուցակ ժողովածոյ արձանագրությանց հայոց, կազմեաց **Կ. Կոստանեանց,** Ս Պետերբուրգ, 1913, էջ 53, **Ե. Տեր- Մինասյան,** Ամբերդաձորի հնությունները եւ արձանագրությունները. «Էջմիածին», 1961, Ե., էջ 55, **Ս. Ավագյան,** Վիմական արձանագրությունների բառարանություն, Երևան, 1977, էջ 108 (հաղված):

Լուսանկ. 1

Ծանոթ. Մխիթար վ. Տեր-Մկրտչեանն արձանագրության թվականն ընթերցել է սխալ՝ ՈԿ. (1211), ինչը նույն ձևով գեպեղվել է Վիմական փարեգրում: Բայց Մխիթար վարդապետը կատարել է այն ուշագրավ դիտարկումը, որ Ծիրանավոր եկեղեցին ունի գերնավոր հաղորդակցություն ձորի հետ:

Արձանագրության թվականն ուղղել է Ե. Տեր-Մինասյանը՝ ՈԽ.(1191): Այս արձանագրության կապակցությամբ Տ. Պետրոսյանը նշում է, որ հայ-վրացական գործերի արշավանքն Արարաբյան դաշտ 1191 թ. ունեցել է հետախուզական բնույթ, եւ չնայած շահած ճակարամարտին, Չաքարեն արիաված է եղել հեռանալ գրավված հողերից, կամ, ինչպես վրաց ժամանակագիրն է գրում, հաղթական եւ մեծ ավարով լի վերադառնալ Վրաստան: Սրա պարճառն այն էր, որ Չաքարեն թեւ շահել էր ճակարամարտը, գրավել Արարաբյան դաշտը, բայց չէր տիրացել Ամբերդ անառիկ ամրոցին ու չէր կարող ազատագրված հողերը պահել՝ թիկունքում ունենալով թշնամու այդքան հզոր ուժ⁹:

Չաքարեն եւ Իվանեն, ըստ Վարդան Արեւելցու, 1191 թ. գրավել էին Շիրակը¹⁰, որտեղից երեւի շարժվել են դեպի հարեւան գավառ, ազատագրել Փարպին ու Աշտարակը, այսինքն՝ նախապես տիրացել Արագածոտնի դաշտային մասերին, ամրացել այնտեղ՝ դրանով իսկ շրջափակելով եւ դրսից օգնության հնարավորությունից զրկելով առանցքային Ամբերդ ամրոցը: Եւ միայն հինգ տարի հետո՝ 1196 թ., ինչպես Վարդան Արեւելցին է հայտնում¹¹, Չաքարյան եղբայրները կարողացել են վերցնել այդ անառիկ ամրոցը:

Արձանագրության երրորդ տողի եղծված սկզբնամասի վերականգնումը կատարել է Ս. Ավագյանը՝ «*Փարպո իրիցանիս*», որի ներքո հասկացվում են գյուղի քահանաները, որ ազատվել են ամեն տեսակի հարկերից:

Փարպիում ապահարկության ձեռնարկը լիովին բնորոշ էր Չաքարյան եղբայրներին, որոնք սելջուկ-թուրքերից ազատագրելով հայկական տարածքները, ամենուրեք բնակիչներին ազատում էին հարկերից՝ հնարավորություն տալով տնտեսության վերականգնման ու զարգացման համար:

հզոր Վրաստանի ուղղափառ եկեղեցու ազդեցությամբ Ս. Պարպուրաց են մատուցել նաեւ ողջերի համար, ինչը, չնայած արեւելյան վարդապետների հզոր ընդդիմության, հայոց մեծամեծները փորձել են վավերացնել Սսի Ա.(1204 թ.), Լոռիի (1205 թ.) եւ Անիի (1207 թ.) եկեղեցական ժողովներով:

9 Տե՛ս Տ. Պետրոսյանց, Վաչագրյաններ, Երևան, 2001, էջ 14-15:

10 Տե՛ս «Նաաքումն պարմութեան Վարդանայ վարդապետի», Վենետիկ, 1862, էջ 138:

11 Տե՛ս անդ:

Այս արձանագրությունը եւս մեկ անգամ փաստում է, որ Զաքարեն ոչ թե 1192 թ. է ստանձնել հայոց եւ վրաց ամիրսպասալարի պաշտոնը, ինչպես ընդունված է կարծել¹², այլ ավելի վաղ: Դեռեւս Հոռոմայրի 1187 թ. արձանագրությունում Զաքարեն հիշադրակվում է ամիրսպասալար¹³, բայց առանց «հայոց եւ վրաց» արքահայրության: Այդ կապակցությամբ Գ. Հովսեփյանը կարծում է, թե Զաքարեն ամիրսպասալար նախապես եղել է միայն հայ գորքի համար¹⁴:

Զարմանալի է, որ Ե. Տեր-Մինասյանը, ընթերցելով վեցերորդ փողի վերջի ...ԱՆԻՇԱՆ ՈՐԴ... փառաշարքը, այն չի վերականգնել: Մենք վարահաբար վերծանել ենք. «¹ԱՆԱՇԱՆ ²Ի՝ ՈՐԴ / ³Ո ԶԱԲԱՐԻԱ՝ Ի. յոթերորդ փողի սկզբնամասում նշմարվում են ԶԱԲԱՐԻԱ անվան փառահերքերը¹⁵:

Մեր համարձակությանը կովան է ծառայել Գարեգին Հովսեփյանի հետեւյալ դիտարկումը. «Վարդան պարսից յիշում է, թե Զաքարիայի որդին Շահրնշահ իւր անունն ստացել է «ի պարսի տէրութեանն Անույ», գուցէ եւ Շիրակի գրաւման առթիւ (1191 թ. ըստ Վարդան Արեւելցու.- Ա.Մ.), երբ մօտաւորապէս պէտք է ծնուած լինի նա. նորա իսկական անունը Սարգիս է»¹⁶:

2. ԾԻՐԱՆԱՎՈՐ ԵԿԵՂԵՅԻ, հվ. պարին արքաբուստ, շրջանակված հավասարաթեւ խաչաքանդակի վերեւում 3 փող.



12 Տե՛ս «Նայ ժողովրդի պարմություն», հ. III, Երեւան, 1976, էջ 531:

13 Տե՛ս «Դիվան հայ վիմագրության», պր. IX, Լոռու մարզ, կազմեցին Ս. Բարխուդարյան, Կ. Ղաֆաղարյան, Ս. Մաղումյան, Երեւան, 2012, էջ 298:

14 Տե՛ս Գարեգին Կաթողիկոս Յովսեփյան, Խաղբակեանք կամ Պոռշեանք հայոց պարմութեան մէջ, Անթիլիաս, 1969, էջ 4:

15 Վերականգնման ժամանակ հաշվի ենք առել բնագրի գրչական եւ վիմագրական մի շարք առանձնահարկություններ, մասնավորապես, սեռ. հոլովի «Ո» վերջավորությունից հետո «Յ» փառ չավելացնելը եւ ՇԱՆԱՇԱՆ անվան վերջում «Ա»-ի կամ «ԱՅ»-ի փոխարեն «Ի» գրելը:

16 Գ. Յովսեփյան, նշվ. աշխ., էջ 6-7:

+ԻՆԵԲԷ (1008) ԹՎԱԿԱՆԻՆ ԵՍ ՄԱԲՇԵ ԳԱԳԿԱ /
ՆՐԱՄԱՆՈՎ ԹՈՂԻ ԶԿՈՐԵԿԻ ՇԱՐԵԱՏՍ, ԵՒ ՏԱՅ
ՆԱՅՐ / :Բ: (2) ԽԱԼ ԲԱՆԲԱԿԻ :Ժ: (10):

Լուսանկ. 2

Ծանոթ. Այս եւ հաջորդ մի քանի արձանագրությունները ի հայտ են եկել անցյալ դարի երկրորդ կեսին, երբ բացվել է եկեղեցու բուն հարավային պարբ:

Արձանագրությունն իրավական բնույթի է. 1008 թ. Մոշե անունով պաշտոնյան Գագիկ Ա. Շահանշահ Բագրատունու (990-1020) հրամանով վերացնում է Փարպիի արքերի կորեկից գանձվող շարիաթը՝ փաստանորդը¹⁷: Նաև պարվիրում է, որ վանահայրը փա Բ. (2) խալ բամբակի դիմաց Ժ. (10)¹⁸: Արտոնագրի այս երկրորդ մասը ձևակերպված է հակիրճ: Չի նշված, թե բամբակի դիմաց ի՞նչ փանձ՝ դրամ (դահեկան), թե՞...: Բարեբախտաբար, այս արձանագրությանը ժամանակակից Ամբերդի 1026 թ.՝ Վահրամ Պահլավունու վիմագրից իմանում ենք, որ միջնադարում բամբակը հարկվել է բնամթերքով՝ լիբրով¹⁹: Վերջինս հնում հանդես է եկել որպես ծանրության, կշռի միավոր: Ըստ Ն. Մանանդյանի, 1 լիբրը հավասար է եղել 326.4 գրամի²⁰: Իսկ Ռ. Վարդանյանի պրպարումների համաձայն՝ 1 լիբրը կշռել է 320.4 գրամ²¹: Ներկայումս, մեր արձանագրության պարագայում երկու խալ բամբակից հարկվել է՝ $10 \times 320.4 (326.4) = 3 \text{ կգ } 204 (264)$ գրամ:

Իսկ ի՞նչ է խալը: Այդ բառը ծագում է արաբերեն «خ» «խալա» ձևից, որ նշանակում է դարարկություն, դարարկ փարածություն, խորշ, այսինքն՝ «խալը» չափի, փարողության փեսակի անվանում է, որտեղ, երևի, հավաքվել, պահվել է բամբակը:

Այսպիսով, Մոշեի արտոնագրի երկրորդ մասից պետք է հասկանանք, որ 10 լիբր բամբակն այսուհետև հարկվելու է ոչ թե մեկ, այլ՝ երկու խալից (խորշից):

Սրացվում է, որ բամբակի հարկը 50%-ով զեղչվել է:

3. ԾԻՐԱՆԱԿԱՆՈՐ ԵԿԵՂԵՑԻ, հվ. պարին, նախորդից ներքև, նույն շրջանակված հավասարաթև խաչքանդակի դիմահայաց ձախ կողմում, 6 փող.



17 Շարիաթը ծագում է արաբերեն عسرة (աշարաթ) «փասք» բառից եւ նշանակում է «փաստանորդ» (1/10 մաս):

18 Բնագրում «Ժ»-ն փոխադրված է «Թ»-ի նման:


19 Տե՛ս Մ. Ավագյան, Վիմական արձանագրությունների բառարանություն, էջ 17, 335:

20 Տե՛ս Ն. Մանանդյան, Կշիռները եւ չափերը հնագույն հայ աղբյուրներում, Երևան, 1930, էջ 129:

21 Տե՛ս Ռ. Վարդանյան, Նայապահի չափերն ու կշիռները, Երևան, 1989, էջ 137:



Աշոտ Գ. թագավորի արձանագրությունը



Աննաս վանականի արձանագրությունը



Ծիրանավորի հյուսիսային պատի 1001 թ. եղծված արձանագրությունը



Զարարե ամիրսպասալարի 1191 թ. արձանագրությունը



Մոշե գործակալի 1008 թ. արձանագրությունը



Վաչե գործակալի արձանագրությունը

+ Ի ԹԱԳԱՎՈՐՈՒԹԵԱՆ ԳԱԳԿԱ Ի ՌԱՍՄ
ԴՐԱՎ. ՏԱ :Ճ: (100) ՆԱՐԿԻ ԴՐԱՄ Ի:Մ: (200):
ՈՐ ԴՄ¹ ԻԵԼԻ ԱՌՈՒ / Յ (300) ԵՒ ԴԺԸ (18) ԻՑՆ ՆՁՈՎԱԾ¹ Է:

Լուսանկ. 3

Ծանոթ. Արձանագրությունը թեև թվական չունի, բայց թվագրվում է հիշարակվող, կարծում ենք, նույն Գագիկ Ա. Շահանշահի գահակալության ժամանակով՝ 990-1020 թթ.:

Սա եւս իրավական բնույթի արձանագրություն է. կապարվել է պետական փութքի չափի վերանայում:

Բնագրի երրորդ փողում օգտագործվել է արաբերեն راسم «ռասմ» բազմանշանակ բառը, որը չորրորդ իմաստով նշանակում է «փութք»: Քանի որ արաբերենում «պաշտոնական» բառը ծագում է նույն «ռասմ» արմաքից, ապա Փարպիի այս արձանագրության «ռասմ»-ը պետք է հասկանալ որպես «պետական փութք»: «Ռասմ կամ ռուսումնաթ (կարգ, راسمات արտ/որություն), (-պաշտոնական բնույթ կրող ամեն ինչ - Ա.Մ.) Էին կոչվում այն փութքերը, որ զանձվում էին որպես հավելյալ ռոճիկ պետական բարձրաստիճան եւ կրթութեւր սրաշտոնյաների օգտին: Դրանցից էին սաղրի, վեզիրի, դարուդայի (նարիկանասպետ), ֆինանսական եւ հարկային սրաշտոնյաների օգտին զանձվող ռասերը»²²:

Փարպիի այս վիճագրի ամբողջ միսրն այն է, որ պետական փութքի դիմաց մուծվելու է 100 հարկադրամ՝ նախկին 200-ի փոխարեն: Այս, ինչպես նախորդ արձանագրության դեպքում, նույնպես հարկը զեղչվել է 50%-ով:

4. ԾԻՐԱՆԱՎՈՐ ԵԿԵՂԵՑԻ, հվ. պատին, նույն շրջանակված հավասարաթեւ խաչաքանդակի աջ կողքին, 6 փող.



22 Տե՛ս «Նայ ժողովրդի պարմություն», հ. IV, Երևան, 1972, էջ 75:


+ Ի ԹԱԳԱՎՈ / ԲՈՒԹԵ ԱՂՆ ԱՇՈՏՈ
ԱԶԱՏ Է ԼԵՌՆԱԲԱԺ / Ն, ՈՐ ԱՌՈՒՆ,
ՅԺԸ (318) ԷՅՆ ՆԶՈՎ ԵԱԼ ԵՂԻՅԻ ՆՆ:

Լուսանկ. 4

Ծանոթ. Նույնպես իրավական բնույթի արձանագրություն է: Արարոնագրում հիշարավոր թագավորը, հարկ է ենթադրել, Աշոտ Գ. Ողորմածն է (953-997 թթ.): Արձանագրությունից պետք է հասկանալ, որ Փարպի գյուղն ազատվել է լեռնաբաժից: «Ղեռնու Սասանյանների օրոք արհեստագիտական արարողություններից և առևտրից զանազան էր բաժ կոչվող հարկը... Բայց բաժը նաև առևտրական անցահարկ էր և իբրև այդպիսին քանիցս հիշարավոր է X-XI դարերի վիճակի արձանագրություններում: Բաժ զանազան էր ճանապարհների, կամուրջների վրա, քաղաքի դռների առջև, այս դեպքում այն կոչվում էր դռնագիր: Աղբյուրների վկայությամբ բաժը զանազան էր ինչպես սայրով, գրասարով, նույնպես և շալակով քաղաք քաղաքի մերձքերից և վաճառականի կամ մորթականի անասուններից: Բաժ անցահարկ էին նաև աստուծոյն՝ իշաբեռից զանազան էր բաժ, ծուծը, մրուրը և կապճիքը, որոնք թերևս վաճառքի համար սայրով, գրասարով և շալակով քաղաք քաղաքի մերձքերից զանազան էր կամ անցահարկերի անուններ են»²³:

Մեր արձանագրության պարագային լեռնաբաժ պետք է հասկանալ լեռով, լեռնային ճանապարհով ապրանքներ փոխադրելու համար վճարվող անցահարկ:

5. ԾԻՐԱՆԱՎՈՐ ԵԿԵՂԵՅԻ, նախորդից անմիջապես ներքև, խիստ եղծված, 7 փող



Ի ԹԱԳԱՎՈ / ԲՈՒԹԵ ԱՂՆ Տ/ԵԱՌՆ ԳԱՂԳԱ,
ԵՄ ՎԱԶԷ / ԹՈՂԻ ԶԿՈՐԵՆԻ / ԵԻՂ ԳԱՐՈՒ ՇՂԱՐԵԱՏՆ/
ԵԻ ԶԿՂԱՊՃԱՅՆ ՓԱՅՆՂ ԵԻ :Ժ: (10) ԸՆԶՈՒՅՂ ...

Լուսանկ. 5

Ծանոթ. Համարյա ամբողջությամբ քայքայված արձանագրությունը վերականգնել ենք յուրաքանչյուր փողում պահպանված փառերի և հազիվ նշմարելի


23 «Նայ ժողովրդի պարմություն», հ. III, էջ 262-263:

բառերի շնորհիվ: Արձանագրությունը նախորդների նման իրավաբանական վավերագիր է՝ ապահարկությունների ակտով. Վաչէ անունով գործակալը ապահարկել է կորեկից, գարուց գանձվող շարիաթը (փասանորդը), ցորենի դեզերից (ի կապճացն) հարկվող մասը, նաև փասն այլ ունեցվածքների դիմաց վճարվող փուրքերը:

«ԶԿԱՊԾԱՅՆ ՓԱՅՆ»¹ վերականգնել ենք համաձայն Ս. Քրիստափորի եկեղեցու 950 թ. արձանագրության²⁴: Ըստ փեղում այդ վիմագրի մեր ընթերցման, ապահարկվել է «*ի կապճացն*» բառորդ մասը: «Կապիճ» նշանակում է «*խորի, ցորենի դեզ, քարոդոց*»²⁵:

Ինչ վերաբերում է Փարպիի կորեկի փասանորդի վերացմանը, ապա, ըստ էության, այդ ապահարկությունը կրկնվել է, քանի որ նույնն արվել է դեռևս փեղի 1008 թ. վիմական վավերագրով: Մնում է ենթադրել, որ Վաչէի վճռով շեշտվել է կորեկի ապահարկության փաստը մյուս հարկերի վերացման համափութստում:

6. ԾԻՐԱՆԱՎՈՐ ԵԿԵՂԵՅԻ, նախորդից ցած, բարավորի պոնկին, մեծադիր բոլորածու երկաթագրով, մեկ փող.



ՏԷՂԻ ԱՆՆԱՍ ՎԱՆԱԿԱՆ
Նրաթ. Ս. Սաղումյան,
Աշտարակ, 142:

Ծանոթ. Վիմագրագետ Ս. Սաղումյանը չի բացատրում, որ Փարպիի Ծիրանավորի հարավային պարի, ինչպես ինքն է ասում, «*Նորարաց ամենահմուտ գրչի նախանձը շարժող զեղագիր ... այդ հիշատակագրությունը*»²⁶, էլի մի քանիսի հետ միասին, գրված լինի դեռևս Մեսրոպ Մաշտոցի կենդանության օրոք²⁷. (պետք է նկատի ունենալ՝ 405-440 թթ. - Ա.Մ.):

Սակայն հարկ է ուշադրություն դարձնել այն կարեւորագույն փաստին, որ ԱՆՆԱՍ ՎԱՆԱԿԱՆԻ հիշատակագրության «Ա» փառերը չեն համապատասխանում Ե. դարի յուրահատուկ գրելաձևին, ինչն ավելի քան 40 անգամ փորագրված է Տեկորի փաճարի 480-ական թթ. շինարարական վկայագրում²⁸: Ներեապես, փեղ Աննաս վանականի հիշատակագրությունը պետք է թվագրել գոնե Զ. դարով:

24 Տե՛ս Ն. Ս. Եղիազարյան, Ներքին Թալին գյուղի Ս. Քրիստափորի անվան վանքը, նրա վիմագիր արձանագրությունները եւ գյուղի մյուս հուշարձանները. «Էջմիածին», 1971, Ը., էջ 63:


25 Տե՛ս «Նայերեկ բացառական բառարան», կազմեց Սյր. Մալխասեանց, հ. II, Երևան, 1944, էջ 331:

26 Ս. Սաղումյան, Աշտարակ, 142:

27 Անդ:

28 Տե՛ս գրագիրը՝ Կ. Ղաֆադարյան, Էջեր հայոց միջնադարյան մշակույթի եւ պարմության, Երևան, 2007 էջ 108:

7. ԾԻՐԱՆԱՎՈՐ ԵԿԵՂԵՑԻ, հյուսիսային բուն պարի արևելյան եզրին, արվարթուս, բարձր, 9 փող (ամբողջովին քայքայված, նշմարվում են առանձին փառահեղքեր)։



... ԵՂԵ ՄԵՂ ԴԱՐ ՄԵՐ / ԵՐԿ ԴԻՒ Ս Ե... ԵՆ
 ԴԵՄ ԵՖ ՄԵՐ / ԴԱՅՂ ԴԵՆԻՆ ԵՍ ՎԱՋԱՐԱԳԵՏ
 Ն ԻԿՈՂԻԿ, ՈՐ ԵՂԻ.. ՈՂ / ՈՐ ՄՈՒԹԵԱՄԵՆ **ԱՅ**Ղ.. ՈՐ
 ՄԵԾ .. ՈՐ ՄԻՍ ՎԱՍՏԱՂՏ, ՈՐ ՄԵՂ Զ ՅԻՇԱՏ / ԴԱԿՂ
 ... ԵՏՈՒ... ԱՅՂՍՂ... ՄԵՐ / ... ԿՏԱԿՍ. ԴՈՔ ՈՐՂ
 ԶԳՐԵԱՄ ԽԱՓԱՆԵՆ, ՆԶ / ԴՈՎԱԾ ԵՆ
 ՅԺԸ (318) ՎԱՅՐԱՂՏ ԴԱՅՂՂ ԵՖ ԽԱՉԱՎԱՆՈՒԱԾՆ ԵՖ
 Զ / ԴԱՅՆԵՆԻՆ ՄԱՍՆԱԿԻՅՂ / ...
 ԹՈՂԱԲ... / ԴՆ ԵՒՂ Ծ (1001) ԹՈՒԻՆ:

Լուսանկ. 6

Ծանոթ. Այս խիստ եղծված, անընթեռնելի արձանագրության գոյության մասին ակնարկել է Ե. Տեր-Մինասյանը²⁹։

Արձանագրության ընթեռնելի մասերից այն է հասկացվում, որ Նիկողիկ հազարապետը՝ երկրի հարկային վերակացուն (Թալինի նորահայր վիմագրից հետո հազարապետ գործակալ կենտրոնական Վայասարանում Բագրատունիների օրոք հիշարակվում է այսպեղ), Փարպիի Ծիրանավոր եկեղեցուն նվիրաբաժնություն է կապարել եւ խստորեն վավերացրել, որպեսզի վճռի խախտում չարվի։

8. ԱՐՉԱՆԱԳՐՈՒԹՅԱՆ ԲԵԿՈՐ ԾԻՐԱՆԱՎՈՐ ԵԿԵՂԵՑՈՒ բակում, 5 փող.

²⁹ Տե՛ս Ե. Տեր-Մինասյան, Ամբողջածրի հնությունները եւ արձանագրությունները, էջ 55։



Ի Տ՝Է՝Ր՝ՈՒԹԵԱՆ՝ / ՊԱՐ՝ՈՆ
ԱՂԲՈՒՂԱՅԻ՝ / Խ՝ՈՆԱՐՏԻ՝, ՆԱ...

Ծանոթ. Վերծանությունը պայմանական է, որի համար որպես հիմք ընդունել ենք Փարպիի Ս. Գրիգոր եկեղեցու բարավորի 1304 թ. արձանագրությունը, որտեղ պատմական այդ գյուղի ավարապետը հանդես է գալիս Աղբուղա Ջաքարյանը³⁰:

Ահա սրանք են Փարպիի Ծիրանավորի մեր կողմից ընդօրինակված վիմագրերը, որոնք կարևոր սկզբնաղբյուրներ են միջնադարյան Հայաստանի քաղաքական, ռազմական, փոխառական, իրավունքի պատմության ուսումնասիրության համար:

30 Տե՛ս անդ: